

Date – 21/03/2025

Time - 7:30 -7:40Hrs

REGIONAL NEWS BULLETIN

HEADLINES (MORNING)

- 1. Ni 14 awh Mizoram Legislative Assembly pakuana, thut khawm vawi li-na, Budget Session chu nizan khan Assembly Speaker in tiamchin awm lovin a titawp.**
- 2. Chief Minister Pu Lalduhoman Mizoram chu ramchhunga ziaak leh chhiar thiam tamna ber a ni ta tih a puang.**
- 3. Defence Ministry chuan sipai leh Air Defence-a hman tur ralthuam cheng vaibelchhe sing 5 leh sang 4 hu lei a remti.**
- 4. Union Home Minister Amit Shah-a chuan Narendra Modia sawrkar chuan Naxalites te lakah zahngaihna nei miahlovin hma a la tih a sawi.**

<><><>

BUDGET SESSION

Ni 14 awh Mizoram Legislative Assembly pakuana, thut khawm vawi li-na, Budget Session chu nizan khan Assembly Speaker in tiamchin awm lovin a titawp.

Assembly rorel inkhawm hi thla hmasa February ni 19 atanga tan a ni a. Tun thla ni 4 khan Finance changtu Chief Minister Pu Lalduhoma'n assembly a tangka kum thar (2025-2026) atana Mizoram sum ruahman cheng vaibelchhe 15,198 leh nuai 76 a pharh chu pawm a ni a. Kumin tangka kum kal lai mek (2024-2025) chhunga sum dil belhna leh a behbawm dang, supplementary demand for grants cheng vaibelchhe 3,512 leh nuai 33 chu March ni 5 khan assembly hian a lo pawm tawh a ni.

Finance changtu Chief Minister Pu Lalduhoma'n "The Mizoram Appropriation (Demand for Grants 2025-2026) Bill, 2025" a put luh pawh House chuan a pawm nghal a ni.

<><><>

LITERARY RATE

Chief Minister Pu Lalduhoman Mizoram chu ramchhunga ziaak leh chhiar thiam tamna ber a ni ta tih a puang.

Nizan khan he thu hi House ah puangin Chief Minister chuan ziaak leh chhiar thiamlo te thiam tir tur hian Education Minister hmalakna in Volunteer teacher 292 an ruai a, heng mite hian beihpui thlakin an hmalakna hnuaiah

hmeichhia zaah 97, mipa 99.02 in ziaak leh chhiar an tam ta a, ziaak leh chhiar thiam tam zat hi zaa 98.02 a ni a, hei hi India ramah a sang ber a ni a ti.

Mizoram Literacy rate hi officiala puan la ni lo mahse, puan thuai tur a ni tih Chieg Minister chuan sawiin, Nagaland in a dawt a, Kerala pathumna a ni dawn a ni a ti.

<><><>

CM

Chief Minister Pu Lalduhoman a sorkar chuan Pathian lalram tundin kawngah Moral Reformation an thlen mek a ti.

Nizana Assembly House-ah he thu hi sawiin Chief Minister chuan diklohna titbo dikna tungding turin theih tawp an chhuah a, aikal an titawp ringawt pawhin thlarau nun a siamthaa chhungril atanga insiamthatna, moral reformation a thlen a ni a ti.

Biometric attendance hmangin, sorkar hnathawk te chu mipui ten an pawisain an ruai a, a hunah an thleng tur a ni a, a hunah an haw tur a ni a ti, sem policy sawirik a ni tawh lova, thawhrim an inzirtir a, integrit y pact an tih mahni chhung leh khatte vulh an phal lo a ni a ti. Contractor te hnena inremsiamna faulty agreement reng reng tihtawp ani ang a ti a ni.

Chief Minister chuan Mizoram chu ramchhunga state ralmuang ber a nih angin Thenzawl ah Peace City ah an din dawn a ti a, lau lui an khuah dawn a, MOHUA atangin a DPR siamna tur cheng vbc 10 an pe dawn a ti.

<><><>

AMC

Aizawl Municipal Corporation (AMC) Board of Corporators (BoC) thutkhawm ni hnih awh tur chu nimin khan Aizawl Mayor, Pu Lalrinenga Sailo kaihhruaiin neih tan a ni.

Executive Corporator Pu Lalringliana chuan Budget Estimate pharhin kum 2025-2026 atana AMC Budget Estimate chu cheng vaibelchhe 112.17 a nih thu a sawi a. Lungleia Municipal thar lo piang nen 15th Finance Commission grant insem a tul tak avangin kum kalta aiin nuai 300 in a kiam thu a sawi.

Pu Lalringliana chuan budget atanga zaa 12.68 chu Elected Corporator leh thawktute hlawh kaihhnawih atana hman tur a nih thu sawiin, AMC inrawlbelna zawng zawng senso atan zaa 20.17 dah a nih thu a sawi a. AMC budget zaa 79.83 chu mipui tana tangkai leh hmasawna hnathawhna atana hman a nih tur thu a sawi.

AMC in Grant hrang hrang a dawn tur leh Property Tax te beisei anga hmuh theih a nih chuan Financial year 2025-2026 chhungin Corporator Ward Development Fund atan nuai 68 theuh ruahman a ni.

<><><>

TREASURY VENDORS

Treasury Bazar Association hruaitute chuan Aizawl Municipal Corporation (AMC) te thupek zawmin an inzawrhna sawn an tum thu an sawi.

Nimin khan Aizawl Press Club-ah thuthar lakhawmtute kawmin Treasury Bazar Association hruaitute chuan AMC lamin Treasury Bazar a kan hnua inzawrh an phal tawh loh avangin AMC te ngen angin AMC Multipurpose Complex Tuikual South ah insawn an tum an ti a, hetihlai hian, AMC Multicomplex a an luh rualin dan lova in zuarte leh Traffic tibuai theia inzuarte chu AMC hotuten an tiam ang ngeia ti tawpa hmalak an beisei thu an sawi.

Treasury Bazar Association hruaitute chuan thutna tura harsatna ah pawh an mahni intiamna ang ngeia rem siam sak an beisei tih an sawi bawk.

<><><>

NGO ON MANIPUR ISSUE

Manipur a Zofa unau kara inhriatthiamlohna thleng chungchangah Central YMA chuan inremna a awm thuai theihnan a hma la turin Churachandpur District a hnam pual hruaitute a ngen.

Tunhnaia Manipura Zofa unau Hmar leh Paite te inkarah inhriatthiamlohna lo thleng chungchangah Central YMA hruaitute chuan Hmar Inpui hruaitute leh Siamsin Pawl Pi (SSPP) hruaitute a kawm a, Churachandpur tualchhung buaina in Mizorama nghawng a neih lohna tura theihtawp chhuaha hma la turin a ngen a, Central YMA pawhin a theih ang angin hma a la a, remna leh muanna a awm theihnan hma a la zel dawn a ni, an ti.

Zo Reunification Organisation (ZORO), General Headquarters chuan tunhnaia Manipur-a Zofate inkara buaina chhuak leh chumi kaihhnawih a nunna chan an awm hial chu pawl a ti tak zet tih vawiin khan thuchhuah siamin a sawi a. Hliam tuar engemawzat an awm leh hmun him lam pana mahni in leh lo chhuahsan an awm hial te chu ZORO chuan pawl a ti tak zet a. Hetiang anga Unau kara buaina chhuak hi khawiah mah thleng nawn tawh lo se a duh a, Zofa hnamtinte hnenah a ngen a ni a ti.

MZP General Headquarters pawhin thuchhuah siamin, Manipur Zofaten hmelma thuhmun an neih lai leh, rorelna hrang nei tura hma an lak mek laiin, Hmar leh Zomi inkarah buaina nasa tak a chhuak chu a vanduaithlak a. Dawhkan pakhat kila inremna thu sawi vat turin Zomi leh Hmar hruaitute a ngen tih a sawi a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

DEFENCE

Defence Ministry chuan sipai leh Air Defence-a hman tur ralthuam cheng vaibelchhe sing 5 leh sang 4 hu lei a remti.

Ralthuam lei tur zingah hian horse power engine 1350 nei T-90 tank-te, Varunastra Torpedoes leh Airborne Early Warning and Control Aircraft system te a tel a. Nimina Defence Minister Rajnath Singh-a hova thukhawm Defence Acquisition Council chuan heng ralthuam lei phalna hi a pe a. Sum sen tur hi cheng vaibel sing 5 leh sang li chuang a ni ang.

Defence Ministry sawidanin tank lei thar turte hi hmun sangah pawh rang taka che thei a ni a. Indian Navy te tana lei tur Arunastra Torpedoes (Combat) hi ramchhunga siam ngei a ni bawk.

<><><>

UNION HM

Union Home Minister Amit Shah-a chuan Narendra Modia sawrkar chuan Naxalites te lakah zahngaihna nei miahlovin hma a la tih a sawi. Pu Shah-a chuan sawrkarin inpe tura theihtawpa a thlem chung pawha la hel tlatte chungah chuan ngaihnathiamna nei miah lovin an che zel dawn tih a sawi a. Union Minister chuan social media-ah he thu hi tarlangin Naxal Mukta Bharat Abhiyan tana kawng dik an zawh tan tih sawiin nakum March ni 31 ah chuan Naxal helho nuai chimih vek an ni ang tih a sawi a ni.

<><><>